

Il mas-chalch da Sent



Publicaziuns officialas. Cumpara segund bsögn.

2009/2011

no. 45

7554 Sent, 25 avuost 2011 / cl

Radunanza cumünala

La radunanza es gnüda fixada sün gövgia, als **1. settember 2011** a las 20.15 in chasa cumünala.

Tractandas:

1. Protocol da la radunanza cumünala dals 21 lügl 2011, acta 12
2. Mür Chasellas – schlargiamaint via Chasellas - Credit frs 95'000.--
3. Lingia d'ota tensiun – spostamaint dal cabel – Credit frs 45'000.--
4. Contrat da concessiun Panas-ch Sura – Infuormaziun avant la votumaziun a l'urna
5. Cumplettaziun reglamaint d'energia - Infuormaziun avant la votumaziun a l'urna
6. Varia

Il Cussagl cumünal

Deponias e ramassamaint d'immundizchas

Il Cumün prosegua fingià plü lönch ün nouv concept da deponias e d'allontanamaint d'immundizchas. La prüma part importanta dal nouv concept es il sistem da cuntgnaröls suotterrans ch'id es gnü drizzà aint pro las deponias Tuols (lavuratori), Curtin (in vicinanza da la butia da Plaz, sper la chasa Gertz) e Davo Stron (chasa da parcar).

Illa segunda fasa dal concept vegnan levadas a partir dals **26 avuost 2011** las deponias da Plaz, Bügl Süt, Centrala, Sala, Büglet e Saranschasch (scoula).

A partir da quel di sun in funcziun e vegnan mantgnüdas be amo las trais deponias tenor il plan allegà.

In üna terza fasa esa previs da sbassar ils cuosts pel ramassamaint d'immundizchas.

Il ramassamaint d'immundizchas chaschuna nempe fich gronds cuosts causa chi nu vain quinta pels cuosts be la tonnascha d'impersè eir il temp pel ramassamaint. Quel temp es a Sent il factur decisiv chi dozza ils cuosts per tonnascha uschè ferm cha'ls cuosts per l'allontanamaint d'immundizchas sun per bainquant plü ots co in oters cumüns in Engiadina Bassa. Las analisas da las cifras muossan cha bler temp giaiva fin uossa a perder cun chargiar il rument in plüssas deponias a Sent ed illas fracziuns, ma impustüt eir cun svödar ils differents containers privats o d'affars. Culla taxa da sach e cullas plombas dals containers sun pajats ils cuosts per l'allontanamaint da las immundizchas sves, ma na il temp dal ramassamaint. Quels cuosts giaivan fin uossa a charg da la generalità, voul dir dal Cumün.

Per pudair sbassar ils cuosts da l'allontanamaint ha il Cussagl cumünal decis d'organisar il ramassamaint d'immundizchas tenor ün concept plü efficiant:


In Cumün vegn ramassà il rument be amo pro trais deponias cul sistem da cuntgnaröls suotterrans a Tuols (lavuratori), Curtin (sper la chasa da la fam. Gertz) e Davo Stron (chasa da parcar).

A partir dals 1. schner 2012 nun han privats plü la pussibità d'avair ün agen container chi vain svödà. Affars pon avoir eir in avegnir ün container, scha quel vain stumplà al di dal ramassamaint a'l lö indichà dal Cumün e darcheu inavò in seis lö. Ils cuosts pel temp da ramassamaint pel container van a charg da l'affar chi voul avoir ün container. Tenor l'analisa da cuosts importa quel servezzan bundant fr. 1'000.-- l'on.

Schef d'immundizchas

Deponias d'immundizchas, Sent

Be amo trais lös per deponar immundizchas !



Corporaziun evangelica

Il Cussagl da baselgia nun ha pel mumaint ingün(a) president(a). Quista lavur es gnüda partida sü tanter ils cusgliers. Per duomondas, giavüschs etc. stan jent sper nos rav. Jörg Büchel eir duonna Ladina Vuilleumier (tel. 081 864 14 42) o sar Christian Häny (tel. 081 864 12 78) a disposiziun.

Il Cussagl da baselgia

Da vender / Zu verkaufen

Maisa e 6 sopchas da dschember / Tisch und 6 Stühle aus Arvenholz
Fabricaziun / Fabrikat: falegnamaria / Schreinerei Rohner
Maisa / Tisch: 1.70m x 0.70m

Sofa (Ligne-Roset): 1.75m x 0.95m

Fotos da la mobiglia as survain sün dumonda per e-mail
Auf Anfrage Fotos per e-mail.
Tel.: 076 234 76 57

Famiglia Miller, Surataglia
(c/o duonna Ida Zisler)

